

佛說出家功德因緣經

甚

後漢安惠國三藏安世高譯

出家因緣其福甚多若放男共若放
放婢若聽人民若自己身出家入道
者功德無量布施之報十世受福六
天人中往返十度猶故不如放人出
家及自出家功德為勝何以故布施
之福報有限極出家之福無量無邊
又持戒果報五通神仙受天福報極
至梵世於佛法中出家果報不可思
議乃至涅槃福故不盡假使有人起
七寶塔高至三十三天所得功德不
如出家何以故七寶塔者貪惡愚人
能壞破故出家之法無有毀壞欲求
善法除佛法已更無勝故如盲人
有一明醫能治其目一時明見又有
百人罪應挑眼一人有力能救其罪
令不失目此二人福雖復無量猶亦
不如聽人出家及自出家其福孰大
何以故雖能施於二種人目此人唯
各獲一世利又冥眼性性有敗壞聽
人出家若自出家展轉示導眾生亦

佛說出家功德因緣經 第三卷 第六

劫無上慧眼慧眼之性歷劫無壞以
故福報人天之中恣意受樂無窮无
盡畢成佛道所以者何由出家法滅
魔眷屬增益佛種摧滅惡法長養善
法滅除罪垢與無上福業是故佛說
出家功德高於須弥深於大海廣於
虛空若使有人為出家者作諸留難
令不從志其罪甚重如夜黑闇無所
親見是人罪報亦復如是入深地獄
黑闇無目譬如大海江河百流恣投
其中此人罪報亦復如是一切諸惡
皆集其身如須弥山劫火所燒無有
遺餘此人亦亦地獄火燒無有窮已
譬如迦留樓臨屋藥極為毒苦若等
斤兩比於石壺彼善惡報亦復如是
聽人出家若自出家功德最大以出
家人以修多羅為水洗除結使之垢
能滅除生死之苦為涅槃之因以毗
尼為之足踐清戒之地阿毗曇為目
視之善惡恣意遊步入正之階至涅
槃之妙城以是義故放人出家若自
出家若老若少其福最勝阿難菩薩
有四法轉身當作善來比丘終不受

佛說出家功德因緣經 第三卷 第七

胎蓮華化生即於現身續增壽命何
謂為四自樂出家亦勸他人令行出
家亦為佐助出家因緣既出家已為
說法示教利喜是名初法復次阿
難菩薩自能勸行精進求諸佛法亦
化他人精進求法是第二法復次阿
難菩薩自行柔和忍辱不化他人令
住忍中是第三法復次阿難菩薩自
能習行方便深發大願亦化他人令行
方便及發大願是第四法阿難菩薩
成就就是四法者轉身當作善來比丘
終不受胎蓮華化生
毀淫寺志節割愛無所親出家弘聖道
願度一切人五德超世務名曰家福曰
供養獲永安其福第一尊家人有父樂
有母斯亦樂天下有道樂國有沙門樂
佛說出家功德因緣經

癸卯歲高麗國大藏都監奉
勅彫造